



Služba za upravu, društvene djelatnosti, mlade i boračko-invalidsku zaštitu

Broj: 05-05-2064/2019
Lukavac, 28.02.2019. godine

Na osnovu člana 16. Zakona o Turističkim zajednicama ("Službene novine Tuzlanskog kantona", broj: 1/15), člana 41. Statuta općine Lukavac ("Službeni glasnik broj: 5/08 i 1/14) i čl. 6. st. (1) tačka a) i čl. 12. Odluke o osnivanju Turističke zajednice općine Lukavac ("Službeni glasnik broj: 3/19), Služba za upravu, društvene djelatnosti, mlade i boračko-invalidsku zaštitu objavljuje

**JAVNI OGLAS
ZA IMENOVANJE NA POZICIJE ČLANOVA SKUPŠTINE
TURISTIČKE ZAJEDNICE OPĆINE LUKAVAC**

I. Predmet javnog oglasa

Objavljuje se javni oglas za imenovanje na pozicije članova skupštine Turističke zajednice općine Lukavac.

Za poziciju člana Skupštine Turističke zajednice općine Lukavac prema članu 17. Zakona o Turističkim zajednicama Tuzlanskog kantona mogu se kandidovati ili biti kandidovani:

- a) fizička lica - članovi Turističke zajednice općine Lukavac i
- b) predstavnici pravnih lica članova Turističke zajednice općine Lukavac.

Grupe djelatnosti iz kojih se imenuju članovi Skupštine su:

- a) trgovina na veliko i malo, popravak motornih vozila i motocikala,
- b) prevoz i skladištenje,
- c) djelatnost pružanja smještaja, te pripreme i usluživanja hrane (hotelijerstvo i ugostiteljstvo),
- d) informacije i komunikacije,
- e) finansijske djelatnosti i djelatnosti osiguranja,
- f) poslovanje nekretninama,
- g) stručne, naučne i tehničke djelatnosti,
- h) administrativne i pomoćne uslužne djelatnosti,
- i) djelatnosti zdravstvene i socijalne zaštite,
- j) umjetnost, zabava i rekreacija,
- k) ostale uslužne djelatnosti.

Broj članova koji se imenuju u Skupštinu turističke zajednice općine Lukavac je 11 (jedanaest).

Izbor i zastupljenost pojedine djelatnosti u odnosu na drugu djelatnost vršit će komisija na osnovu Zakona o Turističkim zajednicama Tuzlanskog kantona i Pravilnika o obaveznim članovima Turističke zajednice i izgledu i sadržaju obrasca za uplatu članskog doprinosa („Službene novine Tuzlanskog kantona“, broj: 4/16).

Strana 1 od 3



ISO 9001:2015
No. 308550 QM15

Općina Lukavac - Općinski Načelnik, Trg slobode 1, 75300 Lukavac
www.lukavac.ba, e-mail: kabinet-nacelnika@lukavac.ba
Tel. +387 35 366 700, fax: +387 35 366 703



ISO 9001:2015
No. 308550 QM15

II. Opis pozicije

Skupština Turističke zajednice općine Lukavac nadležna je da:

- donosi Statut Turističke zajednice općine Lukavac i izmjene i dopune Statuta,
- donosi Poslovnik o radu Skupštine Turističke zajednice općine Lukavac,
- bira i razrješava predsjedavajućeg Skupštine Turističke zajednice općine Lukavac iz reda članova skupštine,
- bira i razrješava članove Nadzornog odbora Turističke zajednice općine Lukavac, koje prema odredbama Statuta bira Skupština Turističke zajednice općine Lukavac,
- odlučuje o izboru i razrješanju članova Turističkog vijeća, koje prema odredbama Statuta bira Skupština Turističke zajednice općine Lukavac,
- donosi godišnji program rada i godišnji finansijski plan Turističke zajednice općine Lukavac,
- usvaja godišnji izvještaj o radu i finansijski izvještaj Turističke zajednice općine Lukavac,
- donosi odluku o osnivanju i organizaciji Turističkog ureda Turističke zajednice općine Lukavac,
- donosi odluku o izvještajima koje podnose Turističko vijeće Turističke zajednice općine Lukavac i predsjednik Turističkog vijeća,
- bira predstavnike u Skupštinu Turističke zajednice Tuzlanskog kantona,
- donosi odluku o osnivanju turističko-informativnih biroa na području općine Lukavac,
- donosi odluke i rješava druga pitanja kada je to predviđeno propisima i Statutom Turističke zajednice općine Lukavac,
- obavlja i druge poslove utvrđene Zakonom i Statutom Turističke zajednice općine Lukavac.

III. Mandat

Mandat članova skupštine Turističke zajednice općine Lukavac je 4 (četiri) godine, a članovi mogu biti ponovo birani, odnosno imenovani najviše još jedan mandat.

Predsjednik i članovi skupštine Turističke zajednice općine Lukavac imaju pravo na naknadu za svoj rad, čija se visina utvrđuje godišnjim finansijskim planom i posebnom odlukom Skupštine Turističke zajednice općine Lukavac, koja će se isplaćivati iz sredstava Turističke zajednice općine Lukavac.

IV. Uslovi za pozicije

Svi kandidati moraju ispunjavati sljedeće uslove:

- a) da je državljanin Bosne i Hercegovine (dokaz: uvjerenje o državljanstvu),
- b) da je stariji od 18 godina (dokaz: izvod iz matične knjige rođenih),
- c) da ispunjava uslove za članstvo u Turističkoj zajednici općine Lukavac (izvod o uplaćenju taksi po osnovu članskog doprinosa regulisanim članom 37., 38., 39. i 40. Zakona o turističkim zajednicama Tuzlanskog kantona za prethodnu godinu),
- d) da nije osuđivan za krivično djelo (izjava ovjerena od strane nadležnog općinskog organa),
- e) da nije osuđivan za privredni prijestup nespojiv sa obavljanjem dužnosti člana skupštine Turističke zajednice (izjava ovjerena od strane nadležnog općinskog organa),
- f) da se protiv njega ne vodi krivični postupak (izjava ovjerena od strane nadležnog općinskog organa),
- g) da ima stečenu najmanje srednju stručnu spremu (dokaz uvjerenje ili diploma o završenom stepenu obrazovanja).

Kandidati koji budu predloženi za imenovanje sa rang liste sa najboljim kandidatima dužni su dostaviti Uvjerenje nadležnog MUP-a da nije osuđivan za krivično djelo, Uvjerenje nadležnog suda da nije osuđivan za privredni prijestup nespojiv sa obavljanjem dužnosti člana skupštine Turističke zajednice i Uvjerenje nadležnog suda da se protiv njega ne vodi krivični postupak u roku od 30 dana od dana utvrđenog prijedloga.

V. Potrebni dokumenti

Kandidati su dužni, uz potpisanu prijavu, priložiti biografiju, originalne dokumente ili ovjerene kopije dokumenata, ne starije od tri mjeseca, koji su dokaz o ispunjavanju uslova traženih javnim oglasom, u roku od 15 dana od dana posljednjeg objavljivanja javnog oglasa.

Javni oglas će biti objavljen u dnevnom listu "Oslobođenje" i na web stranici općine Lukavac: <https://opcina.lukavac.ba>

VI. Ostale napomene

Svi kandidati koji budu ispunjavali uslove javnog oglasa bit će pozvani na intervju koji će provesti Komisija za izbor imenovana od strane Općinskog načelnika.

Nakon intervjua Komisija za izbor će predložiti rang listu sa najboljim kandidatima Općinskom načelniku na daljnje razmatranje.

U slučaju kada postoje dokazi da principi utvrđeni u članu 3. Zakona o ministarskim, vladinim i drugim imenovanjima Federacije Bosne i Hercegovine ili postupci nisu ispoštovani, zainteresirana stranka može podnijeti prigovor na konačno imenovanje. Prigovor se podnosi Općinskom načelniku, a kopija se dostavlja Ombudsmenu za ljudska prava Bosne i Hercegovine.

Prijave na javni oglas sa svim traženim dokumentima dostavljaju se lično ili poštom preporučeno na adresu: Općina Lukavac - Komisija za izbor, Lukavac, Trg slobode broj: 1, uz naznaku na koverti: "**Prijava za člana skupštine Turističke zajednice općine Lukavac – NE OTVARAJ**". Na poleđini koverta navesti ime i prezime podnosioca prijave, adresu i kontakt telefon.

Obrazac prijave na javni oglas može se preuzeti u općini Lukavac, I sprat, kancelarija broj: 21 i sa web stranice općine Lukavac.

Nepotpune i neblagovremene prijave neće se uzeti u razmatranje.

POMOĆNIK OPĆINSKOG NAČELNIKA
Emir Kasumović, dipl. pravnik